



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH” broj 95/12), člana 24. Pravilnika o godišnjim finansijskim izvještajima političkih stranaka (“Službeni glasnik BiH” broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU SAVEZA ZA BOLJU BUDUĆNOST BOSNE I HERCEGOVINE

Broj: 03-07-6-397/12
Sarajevo, 18. mart 2013. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI REVIZIJE.....	5

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja političke stranke Savez za bolju budućnost Bosne i Hercegovine za 2011. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama tada važećeg Zakona o finansiranju političkih stranaka ("Službeni glasnik BiH" broj: 22/00, 102/09 i 54/10)¹ - u daljem tekstu Zakon o finansiranju, i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda, odnosno kontrole godišnjeg finansijskog izvještaja Saveza za bolju budućnost Bosne i Hercegovine za 2011. godinu, nismo zapazili ništa značajno što bi ukazalo na nedostatke u izvještaju ili na finansiranje ove političke stranke suprotno odredbama Zakona o finansiranju političkih stranaka.

¹ Dana 05.12.2012. godine stupio je na snagu novi Zakon o finansiranju političkih stranaka ("Službeni glasnik BiH" broj 95/12)

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja političke stranke Savez za bolju budućnost Bosne i Hercegovine za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka ("Službeni glasnik BiH" broj: 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH" broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Savez za bolju budućnost Bosne i Hercegovine ostvario je ukupan prihod u iznosu od 975.606,05 KM, što je prikazano u narednoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	18.155,00	1,86%
2	Prilozi fizičkih lica	6.555,42	0,67%
3	Prilozi pravnih lica	24.740,00	2,54%
4	Prihodi od imovine	105,18	0,01%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	925.814,11	94,90%
8	Ostali prihodi	236,34	0,02%
	Ukupni prihodi:	975.606,05	100,00%

U godišnjem finansijskom izvještaju ova politička stranka je iskazala ukupne rashode u iznosu od 653.079,67 KM.

2. PREDSTAVLJANJE POLITIČKE STRANKE

Naziv političke stranke je Savez za bolju budućnost Bosne i Hercegovine. Skraćeni naziv stranke je SBB BiH.

Politička stranka je upisana u sudski registar političkih organizacija 30.10.2009. godine kod Općinskog suda u Sarajevu, pod registarskim brojem 065-0-F1-09-000035, sa sjedištem u Sarajevu, ulica Danijela Ozme broj 2.

Rješenjem Općinskog suda u Sarajevu, broj 065-0-F1-10-000007 od 31.05.2010. godine upisano je novo sjedište stranke u ulici Tešanjska broj 24a.

Lice ovlašteno za zastupanje političke stranke je Fahrudin Radončić, predsjednik stranke.

Lice ovlašteno za podnošenje finansijskih izvještaja za 2011. godinu je Kanita Imamović.

Prema podacima iz godišnjeg finansijskog izvještaja za 2011. godinu, organizacionu strukturu Saveza za bolju budućnost Bosne i Hercegovine čine:

- Centrala Saveza za bolju budućnost BiH Sarajevo,
- 52 organizaciona dijela Saveza za bolju budućnost BiH na nivou općina u BiH i
- organizacioni dio Saveza za bolju budućnost BiH u Brčko distriktu BiH.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Saveza za bolju budućnost Bosne i Hercegovine za 2011. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama tada važećeg Zakona o finansiranju političkih stranaka („Službeni glasnik BiH“ broj: 22/00, 102/09 i 54/10)² - u daljem tekstu Zakona o finansiranju. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Saveza za bolju budućnost Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na članarine, priloge fizičkih i pravnih lica i prihode iz budžeta.

4. PRETHODNE KONTROLE I REVIZIJE

Služba za reviziju je izvršila pregled godišnjeg finansijskog izvještaja Saveza za bolju budućnost Bosne i Hercegovine za 2009. godinu i reviziju godišnjeg finansijskog izvještaja za 2010. godinu. Nakon izvršene revizije finansijskog izvještaja za 2010. godinu, izdat je izvještaj revizije sa nalazima revizije i mišljenjem revizora da je politička stranka postupala u skladu sa odredbama Zakona o finansiranju.

5. NALAZI REVIZIJE

Na osnovu izvršenog pregleda godišnjeg finansijskog izvještaja Saveza za bolju budućnost Bosne i Hercegovine, te ostale finansijske dokumentacije vezane za njeno poslovanje u 2011. godini, a nakon što je stranka dobrovoljno otklonila nedostatke u godišnjem finansijskom izvještaju³, nismo zapazili ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka.

KOMENTAR

Savez za bolju budućnost Bosne i Hercegovine, nakon što mu je dostavljen preliminarni izvještaj o pregledu godišnjeg finansijskog izvještaja, sa nalazima revizije, dostavio je akt broj: 01-76/13 od 15.03.2013. godine, skupa sa korigovanim dijelovima finansijskog

² Zakon o finansiranju političkih stranaka („Službeni glasnik BiH“ broj: 22/00, 102/09 i 54/10) je bio na snazi do 04.12.2012. godine

³ U skladu sa odredbom člana 14. stav (3) Zakona o finansiranju političkih stranaka („Službeni glasnik BiH“ broj 95/12), prije izricanja kazne ili preduzimanja administrativne mjere, Centralna izborna komisija BiH nastojat će da postigne da politička stranka, za koju je ustanovljeno da je prekršila odredbe ovog zakona, dobrovoljno postupi prema tim odredbama.

izvještaja i knjigovodstvenim evidencijama rashoda stranke, koje ukazuju na činjenicu da su učinjeni tehnički propusti prilikom sastavljanja finansijskog izvještaja.

Također, politička stranka je dostavila kopije računa koje je pravno lice „Avaz-rotopress“ d.o.o. Sarajevo ispostavilo Savezu za bolju budućnost Bosne i Hercegovine, za zakup poslovnog prostora u 2011. godini u skladu sa ugovorom o zakupu, prema kome mjesečna zakupnina iznosi od 1.137,40 KM.

Obzirom da je politička stranka, u skladu sa odredbom člana 14. stav (3) Zakona o finansiranju političkih stranaka, dobrovoljno otklonila nedostatke u godišnjem finansijskom izvještaju, odnosno izvršila reklasifikaciju troškova, te o tome dostavila relevantne dokaze (korigovane obrasce izvještaja, kopije računa za troškove zakupnine i knjigovodstvene evidencije troškova stranke), Služba za reviziju je iste uvažila prilikom izdavanja konačnog izvještaja o pregledu godišnjeg finansijskog izvještaja Saveza za bolju budućnost Bosne i Hercegovine za 2011. godinu.

Mr. sc. Hasida Gušić, šef Službe za reviziju

Anela Burdžović Kapić, pomoćnik revizora